

隱不見，珍問新羅神老待沒而不見何，神曰：彌勒菩薩之應化也。今已得師，又何存乎？珍還寺問大友氏，待公本貫何所，生平行業何如？大友氏曰：不知何人，居此寺已百餘歲，平居不赴堂齋，有時往湖濱取魚鱉，乾串當饌，奉為常。今聞已隱，痛哉！乃共大衆詣其房，見殘乾魚，皆悉荷藕蓮之類，無他種，衆皆嘆異。年一百六十二歲，待嘗與清水寺行睿居士善，其來清水著木屐款話終日云。

〔政事要略九十五至要雜事〕服藥駐老驗記善家異記

竹田千繼者，山城國愛宕郡人也。寶龜初歲，十七入典藥為醫生，讀本草經，至于枸杞，駐老延齡之文，深以誦憶，將試其徵驗，乃買地二段，多種此藥。春夏服其葉，秋冬食其根，又常煮莖根取汁釀酒而飲之，每有沐浴必用其水，如此七十餘年，未嘗懈倦，顏色服強壯，猶如少年。齊衡二年，文德天皇忽患疲羸，衆醫供石決明酒，時侍臣或奏千繼服枸杞駐老之狀，天皇大駭，即時召見，問云：汝生年幾許？千繼奏云：天平寶字九年歲次庚子生，至今年九十七。天皇大怪，令侍臣驗視其形，鬚髮黑，肌膚肥澤，耳目聰明，齒牙无蠹，天皇感服，擢為典藥允，供傾。即勅藥園多種枸杞，令千繼掌事，千繼頗知文書，兼堪幹事，每至召問，皆協帝念。時左馬寮官人有罪，左降，即以千繼兼左馬寮允，兼直藏人所，千繼朝夕奔劇，不遑服餌，未歷二年，頭髮盡白，皺面偃腰，步武之間，扶杖纔行，遂以頓死。時年百一歲，余多幼。少聞先君語，此事，後問文德天皇近臣修理大夫藤相公所語亦同，仍記之。

寬平年中，有外從五位下春海貞吉，舊是唐舞師也，次為雅樂助，遂預五品，屢到余舍，展語中懷，底裏披露，無有所隱。時余年卅有五，白髮滿頭，貞吉深有助憂之色，語曰：何不服枸杞招此衰羸？余答云：枸杞駐老之驗，具在醫方，然而丘未達，不敢嘗之。乞略陳其方，貞吉答云：僕昔者年廿六，大同元年，以由基所風俗，僂勞為左近衛，其後依醫人語，播植枸杞方一町之地，無有他種水漿食飲，必合此藥，盥洗沐浴常用其水，故今年一百十六歲，猶有少容，亦說其養生之法，事多不載。貞吉寬平九年夏，訪問親知疫病，遭染注，俄卒。時年百十九，又致仕大納言藤原冬緒服露蜂房兼吞槐子，年過八十，頭髮無白，不斷房室，寬平